

濟寧縣志卷十

人物

段又代生為鄉之望賢才輩出惟地之靈濟邑山川之秀甲於河朔累朝人物皆有可傳其以宦績與忠烈孝義為世所稱道者分別書之而文學之士尤不可畧也寓賢多豪傑而岩隱皆高人王屋天壇神仙之所窟宅而一長一技例得並書非襲也削張禹之姓氏而存其傳於藝文附俠烈於忠烈之後不沒其長志人物

宦績

周

仲山甫周樊侯即所謂陽樊是也佐宣王中興尹甫
甫作詩以美之

唐

徐有功高宗時人舉明經歷仕至司僕少卿有傳見
藝文

張廷珪高宗時人第進士歷仕至太子詹事有傳見
藝文

裴肅德宗時人貞元中為浙中觀察使有平賊功見
子裴休傳

裴休肅仲子擢進士第舉賢良方正歷仕至太子少
保有傳見藝文

宋

傅堯俞仁宗時人未冠登第歷仕至中書侍郎有傳
見藝文

傅察堯俞從孫登進士第仕至吏部員外郎宣和中
使金遇害有傳見藝文又入忠烈孫伯成附

明

即敏天順時人以國子生授監察御史出守饒州饒
屬樂平民以假貸大姓不遂詣闕告密牽累千餘

家詔遣指揮潘某以兵潛捕之抵饒敏止潘勿徃
單騎赴彼廉其實還具白潘潘疑之自徃偵視如
敏言逮告密者至京師伏誅樂平安堵舊志卽敏
有二其一任州判無可考

郭天允陝西三水知縣卒祀鄉賢

國朝

段國璋號王屋可行中子舉進士授萊州司理歷省
垣至卿貳循循如不勝衣與人似不能言然每言
事簡而盡人以為弗及順治八年奉

旨祭告濟瀆錦衣歸里時人以為榮門人有登顯仕者未

嘗干以私鄉里有不便者嘿解之終亦不與人言
後以工部左侍郎加二級仍管太常寺卿致仕家
居十餘載一如布衣卒

賜祭一壇從祀鄉賢後嗣蕃衍亦多貴顯為中州望族
許宏遠貢生家貧好學夏不揮扇冬則掘地為籠實
以草管足抵其中攻苦不輟任武安教諭署縣事
獄有胡汝寧以非辜坐大辟廉得實申請開釋武
安人靡不頌德焉

段昌祚字西美國璋長子順治丙戌進士素敦孝友
闖寇亂負親避山中得免兄弟析產辭腴取瘠性

漢水縣志 卷之十
三
朴好施與初宰平順調南樂有廉直聲勸民種桑
植棗彌望森蔚是時所在多盜邑無寧居昌祚設
法嚴緝盜屏跡以薦陞中書科舍人已酉典試浙
江取士多名流轉工部營繕主事督理

陵工不辭勞瘁復經管寶源局疏通錢法公私交濟病
歸高蹈不出紳士奉為師表祀鄉賢

劉漪號蘇門順治丙戌進士任廣東道監察御史杜
門謝客不交權貴戊子按山右舉劾一無所徇有
大猾某被逮其子挾重資來營救不得竟斃於杖
國初濟邑戶口鹽課在正供之外每歲征輸傾民家產

漪力言於離使奏免復

命回京風操益勵年某有同

物太甚恐不利於仕

漪笑曰吾職臺諫代巡乃是誰援引至此會有自
外陞諫垣者欲致漪為重堅不赴因構大訟某以
他事下於理漪未幾亦免官家居頤情典籍偃仰
一室中門庭闐如輯敘邑乘紀錄簡嚴不愧柱史
侯榮圭順治辛卯舉人任靈石縣實心愛民政平訟

理民多歌頌靈邑舊有水利為隣邑權勢所奪榮
圭力爭之曰不能為民直此事不願官也遂得請

立界脩堤靈人立祠祀之

見靈石縣志

璩廷祐字受茲弱冠成進士授建德令不延幕友凡簿書俱親自裁決數歲以廉仁報最入諫垣正色立朝尤惡聲氣康熙五十一年條陳豫省漕運之弊立責賤通融之法任滿外轉鄖襄道旋陞京堂以目疾致仕歸著有金麓文集

段允持字堯咨司空之孫初授四川江安縣令川南彝人與黔省民爭地互控前委監司牧守踏勘俱推諉不前至是檄允持往勘即輕騎至其地正言勸諭俱各帖服後署敘州府永寧司馬時方有事西藏檄調永寧兵馬藩司賞銀未發士卒觀望不

前允持即將應解稅銀散給隨據情上告大蒙撫
軍嘉與江安鹽井久廢允持募民開鑿至今利賴
鎮雄土知府惡其民逃入內地詳請解回即行拆
賣允持不忍其骨肉離散具稟撫軍仍安插內地
時年羹堯為巡撫欲提拔之或勸其往見允持以
母老為辭人詢其故曰恐急行無好步耳俸滿陞
授鑾儀衛經歷適天全土司與其民不相安議改
土為流又檄赴天全衆心洶洶議守險以拒允持
隨從僅三四人往諭之人心遂定駐天全五月餘
續入覲條奏慎用嚴刑

命通行天下旋復出為臨淮令尋陞行人司司正仍宰臨淮數月因公事解組

段志熙字百維工部侍郎國璋曾孫以廕職歷郎署出守沅江沅之棲霞山有泉可灌民田志熙捐貲疏鑿沅人賴之魯魁山劇賊聚眾數千勢難撲滅志熙單騎往撫賊感泣解甲一方以寧因瘴鄉不服水土邁疾就醫會城少痊即返大僚留之志熙曰此身既已許國雖死何惜溘撫何入覲以此語奏聞

惻然乃有烟瘴三年即陞之

命旋擢寧台道累任江西驛道陳臬雲南開藩兩浙所
至剔除積弊昭雪沉寃屏絕苞苴澄清吏治而恤
民造士皆以實心行實政兩遇

計典黜陟持平解餉請餉從無留滯杭城民居稠密而
竹籬板壁不戒於火延燒千百餘家志熙定恤災
之例每户給銀一兩撤屋斷火者倍之捐脩沿城
石塘並濬城中河道而督脩海寧海塘不費民財
不糜公帑不避風雨寒暑受任兩載竟以勞瘁卒
於官是時高安相國為大中丞醇儒清德相與有
成得以大展其才報

國承家固無慚於世祿也居家孝友敦睦宗族且好行其善於鄉歲饑出粟助賑舊有保正柳稍之累力陳於當事得永免又嘗脩通濟橋桑梓至今感頌公舉崇祀鄉賢子景文丁酉舉人官員外郎元文任泰州知州皆有著述能世其家

李紹周字次公號孔山辛酉亞元丁丑成進士選庶常庚辰散館授翰林院檢討充治河方略館纂脩官考選御史首疏請治西北溝渠以備旱潦再疏陳西北蚕桑之宜以盡地利俱蒙

聖諭允行而特叅內務府

聖諭允行不特參內務府
皇帝一疏與結黨詐騙一疏皆切時弊

俞吉藻嘉興情稱快戊子典試浙江得皆直才先後巡視
中城請托不行豪猾斂手無辜省釋全活甚多至
稽察錢局稜稜自守居官之清慎有如此性坦白
不設崖岸居家則孝於親友于弟弟之子四人教
誨成立而課子尤嚴子珣姪璵俱以宦績著各有
傳子琬以文行著卒年五十九祀鄉賢

李璵字玉璽性成孝友亦極慈祥且積學工文康熙

丙戌聯捷進士初宰仙遊書忍字於公堂慎于用
刑未嘗輕施敲朴有賊夜殺人三月捕未獲禱於

城隍輒蒙神告邑人以白面包公稱之義塾生徒
親臨督課入闈分校人稱得人陞任吉州州多逋
賦瑛急於撫字緩於催科雖因之罰俸不顧也擢
守河間與利除弊吏畏民懷間遇災稔發倉賑濟
惟恐一夫之失所景州有積水之區名千頃凹瑛
相度地勢董率開渠達於下流遂成沃壤持躬廉
潔不潤脂膏改調大名雍雍治理民安其化旋以
母老乞歸河間之民製萬民衣千里而來拜於堂
下其厚澤及人可概見矣子經國福國俱候選州
同經國才能出衆善行克繼前人邑中公事多其

領袖

李珣字琛伯號鳳岡又號耐堂由孝廉出為黃梅令
累陞辰永沅靖兵備道庚申年以山東臬司卒於
官天性孝友秉姿卓犖九歲值生母趙太淑人病
朝夕侍床褥弗肯離及沒哀毀逾于成人長隨侍
御公于都常自負為奇男子好讀書留意經濟于
經史靡不覽而得力尤在紫陽綱目故生平臨大
事決大計雖造次皆裕如焉宰梅日恩威並施教
養兼盡遭水患者再珣詳蠲租稞煮粥賑饑又以
粥非所宜稟請散米倉谷不敷傾資購穀萬四千

餘石籌辦精密戶無浮支胥無中飽民忘其災陞
桑植司馬其地舊隸土官聲教弗加舊俗姑女必
嫁舅子每有舅一男而聚姑數女者珣委曲開導
舊俗為之丕變嗣調永順保靖二司所治鳳鳴竹
溪諸灘多巉巖大石舟觸即碎錘鑿莫能勝珣于
水涸時架木焚燒石皆崩裂亘古之患一旦永除
往來者頌神功焉雍正六年奉

旨開闢苗疆大憲檄委同先鋒王進軍苗地珣推心置腹
宣布

皇恩無不向化調補永綏地險俗悍珣每單騎出入苗寨
諭以大義曉以禮法延帥置學給賜書籍紙筆教
誨慤勤時創造營房經營措置一草一木不以累
民及遷守辰州綏民泣送數百里抵辰首振文風
肅清聖廟移考棚開文昌門而科目因之聯登既
調永順守旋陞湖南糧儲道仍留駐沅州總軍務
事

詔書優褒晉秩觀察聞齊太淑人訃躡踊幾絕即請奔喪
以軍需任重不獲命及軍功竣得奉

旨回籍終制盡哀盡禮弟琬齊太淑人所出珣友愛純篤
終始如一日服闋入補

召見至再

特授山東按察使數日間清理積案七百餘件平反不下
數十人兼署藩篆午夜批閱刻不暇逸病危劇猶
孜孜以公事為慮其一生之精勤匪懈如此方珣
之總軍務也黔苗猖獗玉屏清溪等處連次失陷
難民蜂擁而至不啻十萬叢集於沅失所處則老
稚溝壑壯必聚亂珣聞信星馳分委屬吏查造籍
貫口數飛撥各屬運倉助賑建草房三千餘間日
用器具罔不備療疾衣寒體恤周至衆皆安堵比

恩詔下已無不處置得所矣其繳撥各倉也衆有司以置

恩詔下已無不處置得所矣其檄撥各倉也衆有司以擅
動為嫌欲待奏珣曰無及矣有罪我自任君等無
與即手書印札為據得無悞待運而後詳雖邀重
劾不賴也非大識力能之乎時兩湖進剿兵需役
四千餘名多畏縮珣詳請增價遂各鼓舞從事諸
省派撥軍餉四十餘萬石悉交沅轉輸而水險舸
乏珣捐費倍值五日內得船三千號糧運充足黔
地殘破倉廩無存珣造板倉一百座搭送鎮遠而
圉積賴以有備又調鎮筸兵以禦橫塘等處全楚
以安當是時軍行旁午珣謀如湧泉機必先發事
無一線之隙屢邀

九重之褒固其所素蓄積者深也于僚屬知必盡言嘉其
長教其不足宗族黨閭聯屬周恤贈布帛以給貧
老施棺木以資喪葬延師育雋散米分金故遠近
內外悉以義稱珣體貌異人鬚珊珊盈腮頰言語
清亮若鐘磬身不滿五尺昂昂然如雲翔鳳翥卒
年五十有三崇祀本邑鄉賢黃梅名宦子七長友
善泰州刺史次友雄友博友适友齡友望友臯振
聲黌序皆偉器克光前烈

侯錦章雍正癸卯舉於鄉任湖南嘉禾縣令署永州

府通判所至有賢聲旋以母老願就教職便於迎

養改補夏邑教諭事親最孝居官十四載崇學校
振儒風且熟于吏治能以教而兼養境內水災辦
賑妥協全活甚多百姓戴之如父母幾忘其為師
長也

衛哲治雍正己酉拔貢生

廷試簡發江南屢宰劇邑以能員著驟遷牧守疊邀卓薦
晉監司旋擢東藩兩撫安徽調撫西粵所至皆以
實心行實政利必興弊必剔其設施皆為百世計
者晉大司空因病請假歸里

溫旨慰問至再逾年卒有傳見藝文子時動國學生時敏

現任雲南督理威寧鎮雄南廣羅星銅務事時保
尚幼醇謹能讀父書名臣之後其昌大正未有艾
也

段元文字正起號見亭方伯公志熙次子

誥授奉政大夫江蘇松江府海防同知管揚州府泰州知
州以出嗣子以信

馳封奉直大夫四川成都府簡州知州元文幼而聰慧十
歲能文年十四入邑庠學使者甚青目之棘闈屢
戰不售乃援貢應試北闈考取藍旗教習選授浙

江三江場鹽課大史援例捐納同知銓授松江司

馬以另有題請留江補用歷署司馬別駕州縣凡
五任到處以興利除弊教養士民為務上官試其
能乃以同知銜題請借補泰州知州蒞任後留心
民瘼凡所設施皆為計較久長如濟糧鹽之運則
開浚上下兩河念賠累之艱則詳請蠲免荒畝而
振興文教則修理書院延名師以訓課生童泰之
文風益振科甲聯翩至今思之然性素耿介不事
營求故留江數載歷辦苦差而大衙小用卒以細
事被議解組歸田邑東門外有樂餘園其先人司
空公所建元文顏其堂曰復樂日携子姪輩吟哦

其間且手不釋卷著述甚夥于詩尤揣摹盡致各體皆擅其長其存者為鑒遠樓稿暨前所刻銷夏手抄晒齋詩存數本允堪為後學楷模子以獻候選詹事府主簿未仕而沒另有傳次子以信現任四川邛州牧出嗣堂兄致和孫六人皆好學能文周桂齡字聞六御史維新曾孫以歲貢授永城訓導守官箴端士習有某生被誣當事行學褫革桂齡再三爭辨終不肯具文申覆然知直道難行遂乞休在任時嘗同邑宰賑饑全活甚衆奉憲檄協捕江南蝗徧歷郊原不避炎暑雖未竟厥施而不負

所學至居家孝友且七歲手

所學至居家孝友且化被于鄉蓋清節衣冠之後
洵無慚師表者也

受敬脩字安伯泰州牧振蛟之孫南充令維袞之長
子也司訓鄭州化行學校雍正年間例當改調敬
脩以老母在堂拂衣歸里兩弟早逝諸姪甚貧敬
脩撫之如已子又為姪鴻陞援例選授景寧縣尉
且品詣端方好行善事而歲荒捐粟助賑施地基
造普濟堂邑人尤推重之名載彰善坊舉鄉飲大
賓享壽八十三歲

忠烈

附忠勇
俠烈

宋

史抗宣和末為代州沿邊安撫使金人圍代急抗夜呼二子稽古稽哲曰吾昔語用事者鴈門宜擇帥增戍彼皆不吾省今城必陷吾將歿事汝輩亦無以妻子為念而負國也二子泣曰惟命明日城破父子三人突圍力戰歿于城隅

傳察已見宦蹟宣和中使金死難有傳見藝文

明

閩士選軹城里貢生為鞏縣教諭署令事流寇破城罵詈不屈歿之有墓表見藝文崇祀鄉賢

李養麟庠生流賊始至逼為叅謀不從極口罵詈賊怒殺之守道荆之琦旌其門曰舍生取義

李存心官橋人石天祿張內實天漿人許士彥鍾公里人四人俱庠生遇寇亂罵詈不屈而死

王三俊有力如虎鄉人號曰虎頭明季盜起俊以力見擢於河內王公假千總從剿賊所向多有功後征賊至李家溝官軍失道俊以所部數人與賊格鬪力盡被執賊諷俊降愿戴為首俊怒詈之賊屠其腸以去同時丁繼美璩珮玉趙珍等皆多戰功而俊尤不愧大節云

忠勇

國朝

楊兆慶字肖菴生而儀表魁梧智勇之人

國初遊選才畧拔授守備從征太原有功旋以湖廣鄖陽
麻陽新羅常德等處流賊未靖調赴征剿兆慶率
所部身先陷陣冒鋒鏑突戰處處奏捷剿蕪羅時
曾被重創兆慶裂衣裹首仍復衝殺竟擒賊首張
觀察稱曰忠肝鐵胆順治四年陞都司僉書十六
年晉陞遊擊以病致仕旋里卒於家

俠烈

俠烈

周

聶政有傳見藝文

漢

郭解有傳見藝文

喬騰鳳云按司馬遷好奇故沾沾稱說聶政郭解此兩人皆軼產也過其地者多為慨慕余則謂解以匹夫睚眦殺人致無故而戕人之君相真私行不贖公罪小諒不塞大逆律以春秋之法皆亂人也狀政事親孝取予廉其辱身行義即後世儒者恐亦有不及惜也其以刺客終解之奸雄能得人

亥力使生高帝時亦田橫流耳故具存之不敢沒
其長云

孝義

漢

趙孝性至孝與異母弟禮析居禮陰賂大姓李某主
斷得羸往酬之孝恐獲罪亦續往道遇赤着賊欲
殺禮以食孝急奔赴謂賊曰禮能養母而瘦孝不
能養而肥願以已易弟使衆得飽老母亦得所養
也由是兄弟相代讓語聲哽咽賊義而並釋之

唐

唐
榮壁事親居喪著至行

明

田良甫李泰俱好義正統六年良甫輸米一千三百石泰輸八百石以賑饑詔旌異之復其家

李用娶婦不慧父母欲更為娶用曰吾家不納痴婦將誰歸後生七子二女以行義見稱

郝九鳴字伯鶴弱冠為名士其父文華遭疾禱以身代及卒盡哀盡禮人咸稱之

張學禮高槐俱廬墓三年有司旌獎

魏大經佃儻有高行置義田贍族又立義塾以訓鄉

人子弟士論躐之按察使劉應時有記

翟良臣豪俠好義於學校尤知所重已有隙地輸以
入官又出錢助營齋舍

段相字誠菴以布衣陰行善一日坐門內有負貸者
趨趨不敢過相窺其意起避之其人愧以息償不
受疾革時遺麥本五百石悉毀其券以孫國璋貴
贈工部侍郎

段可行字紹菴相之子以子國璋貴 贈工部侍郎

湛於經術為時名宿教五子晝課農業夜講經史
無少輟嘗往潘村適遇盜樹者在樹上行急避之

無少輕嘗往潘村適遇盜樹者在樹上行急避之
恐其驚墜人謂其不墮先德每冬月施囷囷絮衣
草苦施粥以食饑者子孫奉為家令行之不倦孫
子二人昌祚進士振蛟秦州知州綿祚舉人曾孫
二十餘人維袞進士維宸舉人

侯靖邦庠生靈石令策圭之父流寇亂有戍兵趙民
祿被仇誣陷王屋道士朱之清以非罪犯縲絏有
司俱欲殺之為力辨其寃得免

李我立字建吾性高潔澹於名利有古君子風好山
水時裹糧出遊遇凍餒者輒周給之恤災憫患出
於天性子端孫紹周曾孫瑛珣俱有傳

李端字懷方郡庠生慷慨有大度喜為人排難解紛
邑有逋賦被繫路姓者合家自鬻端憐而贖之與
完國稅未幾逸去弗追併遣其妻孥同行施恩不
望報率類是

璩鳴玉字紹庭少孤事母以孝聞撫幼姪擇師教訓
不異已子族人可悅母歿貧無以葬為治殯殮又
為娶妻完其室家好施與嘗有負債不還者窘復
給之鄉隣有亨竭力為排解長子美斯明經學行
為衆所推次子奚斯庠生孫廷舉廷祐廷慶廷瑞
廷祥相繼登科甲

國朝

李入木廩生性至孝自幼至長於親無忤容親喪既
塋雖寒暑風雨每晨必至墓所省視徘徊久之始
歸凡路過親塋遙遠即下騎步行如是者以為常
李褒邑庠生初扶之子性至孝幼時隨親避難猝遇
寇至欲刃之褒泣涕哀號求免其病寇憐而並釋
之父病危禱於城隍願以身代父病旋愈大年父
喪盡禮既塋廬墓三年嘗中夜省視寒暑風雨不
避雍正年間公請旌表祀于孝義祠

段有容字个臣司空之孫候選光祿寺典簿孝友恭

謹篤厚宗族繼母病衣不解帶目不交睫每夜獨徘徊天井者達旦履為之穿子寬志功監生候選縣丞孫曾衆多皆有聲庠序

李在明勤儉樂善有田一頃餘力耕務穡敝衣粗食所有儲蓄悉以周貧乏有求必應不償亦不責也年至六旬約負貸者千有餘石恐身後子孫索取乃持簿至軹城鎮市對衆悉焚之

衛藩侯字伯元以孫哲治貴 贈資政大夫天性孝

友事親務得歡心與弟分產將莊田之美者相讓

待人和平樂易雖有橫逆之加隱忍甘受未嘗報復鄉黨咸以長厚稱之

復鄉黨咸以長厚稱之

何兆祥以子達善貴 贈中憲大夫父贈公騰龍外
出公徒步尋訪歷三十餘年竟得遇固請以歸事
詳中州彰善錄乾隆十五年奉

青旌表建坊曰人倫模楷有傳見藝文公平生好施與賑

貧乏瘥遺骸脩道路善行多端里中雖村婦墜子
莫不稱其為善人子三長達善癸丑進士丙辰庶
常現任江南觀察次復善三樂善丙辰 恩科同

榜舉人復善以清平令遷和曲州知州樂善福山

縣令孫 書國學生皆確遵先人遺訓力行善事

而每月朔望設粥以食鄉隣之貧獨者數十年無
間已卯冬以歲入不豐貧民艱食雖有司設有留
養局而格於例者不得與雲書乃罄家所有米谷
日食貧人不逮則具稟等人慨然捐俸數百金廣
行施濟至麥熟乃已而雲書躬親佈置井井有條
遠近均沾實惠邑人製匾額稱頌之並公舉入志
以勵風化湖厥所由皆贈公貽謀之臧庭訓之切
故如此爰略敘其槩附于公傳以見一門高義淵
源有自云

侯封位兄弟四人位行居二父母俱故有
年八旬

餘其少弟幼得痿疾手足不能自動位家貧徹骨
與妻李氏苦力經營孝養其祖而于病弟則扶持
飲食兼伺便溺始終無厭嫌之意乾隆五年鄉僻
公舉邑令董旌其門曰孝友克敦

樂振饑少而孤事母至孝母兩目失明傑朝夕扶侍
常朗誦經史以悅母心母病醫藥不效傑跪禱大
雪中願以身代遂漸愈後母年垂八十而傑之孝
養彌摯里黨皆稱道之

段景文字觀光工詩文性豪邁好施與軫恤貧乏會
歲歉開糶邑困窘捐貲賑粥又出谷數千石減價

平糶遠近胥賴以濟丁酉舉于鄉以廩生需次部
曹未仕而沒時論惜之內助陳澤州相國文貞公
姪孫女以夫子好善踵而行之邑東門外泚河北
岸路甚卑水漲則淹沒捐費增培人頌其德亦善
事之一也

李起龍自其父成章母黃氏嘗以張公藝事勸勉子
弟誓願同居里人旌其門曰義高閭左成章沒後
起龍兄弟四人能繼父志遵母訓男耕女織舉家
雍睦今五世同居共四十餘口並無間言

王以符縣學生曾買祥符田姓夫婦為僕見其容色甚慘詢之云家有老親恐鬻身後失所依恃耳以符惻然不取身價復贈以資斧遣之歸其好行善事類然

賈起龍勤儉居家忠厚待人有姑貧而寡養生送死皆身任之而于隣人資其殯塋助其貲本不一而足建學延師以教里中子弟曾不吝惜其好行善事如此

李國安字寧庭由掾吏考授職銜兄國泰早年失偶資其績娶兄卒有遺腹子為之撫養又置田十餘

弘俾寡嫂孤姪得以安全而好施樂善不恤多金
乾隆八年孟邑歲祲國安于郭旦鎮煮粥賑饑全
活無算至今孟人思之

李錫齡字天賜府學廩生繼母沒胞弟廣齡年尚幼
錫齡友愛最篤至於宅心和厚持躬方正而造就
人才里黨稱之

何兆瑞字天錫太學生以兄子達善貴

貶封通議大夫蓋其兄贈公尋親遠出家務皆獨任諸姪
得以專心學業先後蜚聲故觀察以此報之也其
生平德行素著善事多端施濟貧乏助脩廟宇興

建橋樑皆勇往為之不懈鄉隣請于前令以尊德
樂義積善流芳頌其門子明善能繼父志

鄭元儒生員與弟鴻儒相友愛同居數十年後生齒
漸繁不得已分爨然兄弟每食猶必共棹云邑侯
顧萼贈匾曰敦倫行慶

任奕久邑增生言行淑均教授生徒利濟鄉黨名載
彰善坊

鄭含英庠生煥之子煥年愈大耄步履維艱舍英亦
年愈六十矣左右扶持朝夕不離夜同卧起

段以獻鄉賢方伯之長孫少工舉子業習五經屢試

不第後援例就詹事府主簿性孝友平生無疾言
遽色其弟以信以廉各援例任州牧累及以獻資
斧以獻急為棄已產以償之絕無怨言

王希曾監生重義輕財凡親朋婚喪有不給者輒周
其困乏不見有德色隣里鄉黨求則必應亦不斤
斤求償

齊生香店頭村民乾隆二十四年十二月雪地拾銀
四兩餘係同村韓繼善所遺韓以失銀不能度歲
一家痛哭欲尋歿路香聞急問明件數還之邑令
蕭旌之曰還金高義

聶國相輕財慕義薦端睦喜施與甥衛某貧不自存
相與之田數十畝宅一區因以成家里中有吉凶
事槩多資助引為己任其他橋梁道路有利于人
者尤多所捐輸焉

牛大禮家非素封而好行善事如普濟堂施茶亭皆
捐助地數畝且矜孤恤寡而於親族里隣有婚喪
急難之事不靳周給名在彰善坊大中丞雅公給
匾曰心存惠濟

趙國璽監生族中貧老賴其存恤嘗助人婚娶且給
以資產借貸不能償者盡燒其券名載彰善坊

尚宗湯監生字新亭幼而失怙孝事孀母及祖父母
皆能竭力承歡好行善事嘗出已資為人贖敗墳
地族隣不能娶者助之完姻康熙六十年邑大旱
不惜已產開渠引水利濟一方至今猶被其澤于
登甲列邑庠孫金章入成均

范治印城內北街居民家貧至老竭力經營深得親
心其少弟治心父最鍾愛親漸衰老治印以家產
盡與弟妻扈氏樂從其事邑令陳旌其門曰孝友
可嘉鄉里稱之

潞源縣志卷十一

文學

漢

張振軹人通申商刑名之學隱居教授潁川晁錯及
雒陽宋孟劉禮同師事焉

唐

盧仝號玉川子博學有志操嘗作月蝕詩譏元和逆
黨昌黎韓文公稱其工嘗贈以詩性嗜茶作長歌
句多奇警有集四卷又撰春秋摘微四卷不以傳

害經寓居洛陽

宋許顛曰玉川子春秋傳僕家
有辭簡而遠得聖人之意為後

世有深于經而見盧傳者嘗
共知退之之不妄許人也

宋

傅伯壽字景仁為脩撰著有高宗實錄二百八十卷
孝宗實錄五百卷

李迎字彥將仕至明州通判所著有濟溪老人遺稿
一卷周益公為之作序

明

吳應舉字振健萬歷丙午孝廉屢上公車不第見時
事日艱不樂仕進即所居開臨黃館與里中俊彥
肆志詩文彙為臨黃館集有序見藝文崇正末年

盜賊蜂起築坡頭土寨遠近親隣避難其中全活甚衆五子皆能文長涵醇次涵光俱鄉學又次秀生國學五涵鏗明經孫曾有聲庠序者十有餘人後裔之繁衍昌熾可知淵源家學之有自也

國朝

李初扶字慈菽邑廩生謹身勵行凡經書子史無不該貫而尤粹然折衷於儒先之旨一經評點士林輒遵之不易初鄭王府慕其名敦請西席再三終不就友人勸之答曰藩府未免尊驕我輩持師長體當不相得無改悔于後也為文章直追韓柳門

人若李楓劉瓊劉珮皆為時名士順治十八年編纂縣志序傳多出其手居家極有禮法子孫遵其教邑中推為理學第一

許士造順治乙酉舉人志高尚鄉舉後不應禮部試閉戶讀書為文雄健深博無時下委蕪氣

孫振振字宜爾嗜學博古與李慈菴為莫逆友年俱八旬餘猶時相過從講論歡然或達旦不寐

段綿祚字序皇司空次子順治乙酉舉人沉静厚重以博學聞授上蔡縣教諭到任月餘即致仕歸里讀書賦詩以自適卒祀鄉賢

段維袞字補五泰州牧振蛟公長子穎悟絕倫綽有
仙才康熙甲辰魁南宮闈墨為天下傳頌所著雪
齋文稿詩集皆飄然出塵康熙二十八年纂脩縣
志考核精詳有功文獻

李楓字蕭宸少時性頗鈍然成誦後終身不忘從李
慈莪受業冬不爐夏不扇力學強識卒成博雅為
古作巨手

王卜字枚公性豪放為文不起稿千言立就嗜酒每
試必挈瓶以進與酣落筆語出驚人論者以為青
蓮流亞

楊珍字王賓嗜學研辨邃於易理以歲貢選桐栢縣訓導中丞汪公灝見其文深敬禮之後致仕家居年九旬餘猶手不釋卷

范蘭生字御園貧而嗜學冬月置棉花子於几下藉以溫足徹夜朗吟不輟卒以文章知名嘗遊京師與何屺瞻吳荆山諸名公論文皆驚異之稱為八股聖手

璩美斯歲貢生博通經義辨古今尚書之異晰大小戴記之分先後天之方圓同歸齊魯詩之傳聞殊指以及左氏公穀同經異傳靡不講明而切究之

河濟之間學者宗焉訓五子俱登巍科人疑之兼

河濟之間學者宗焉訓五子俱登巍科人擬之燕
山云以子廷祐貴贈監察御史祀鄉賢

杜驤棟廩生博學能詩文著有越雪堂文集

吳起代字邁園雄才能文章熟于秦漢國史有編纂
綱鑑分類文選四十卷

璩廷慶字來章少卿廷祐之弟康熙壬辰進士沉潛
力學身不妄動口不妄言雖佳辰令節未嘗一事
嬉遊

斗瑜字玉崑刻志讀書年八旬餘猶手不停披口不
絕吟嘗遭水灾房屋器具皆沒家人皇皇獨抱殘

濟水縣志 卷十一
書痛哭曰此吾一生心血所存也

周錫齡字卜三早歲食餼學有根柢屢試輒拔前茅
學使湯公右曾極賞識而里黨之間尤重其品誼
侯立德字宣六康熙庚子試卷已經中式因後場失
落未第持已謙恭篤行能文善詩賦人有疑問知
無不言言無不盡百里外皆來附課遊其門者品
行文章多知名于時邑人無不重之

段志學廩生字心一少時家貧力學不輟日則負販
市中夜則然燈照讀卒為淹雅之士

趙大真字得一廩生質魯好學經史百家凡有所取

必手自錄出再四吟哦成誦乃已尤熟史漢文所
讀本纖批縷評筋脈貫通為文古宕雄厚一時無
兩

李含章字從王歲貢生孝友性成才華敏瞻經明行
修設教義塾所造就皆知名之士著有詩文稿數
卷

楊元章字慶侯家貧好學尤潛心四子書疏筋剔髓
務扶真諦著有四書解意一部文無師授清新俊
逸自成一家言

李光國字上賓拔貢生為人端方性孝友好讀書每

日必取五子性理朱子全書誦之故品誼學問為
時所運

李友益字侶三號壯亭沉潛勤學辛酉科選考貢士
潘大宗師首拔之為人渾厚精明鄉先達以大成
相期待天年不永未得竟其志業至今人猶惜之
子師曾早歲入庠

寓賢

漢

晁錯潁川人學申商刑名于軹張恢所與雒陽宋孟
及劉禮同師

後魏

崔頤初為太子洗馬稍遷散騎尚書賜爵清河侯嘗與方士韋文秀造金丹于王屋山

隋

牛宏安定人寓濟之牛家社仕至吏部尚書寬厚恭儉學術精博文帝時開獻書議明堂論新禮隆殺輕重任選舉制進士科定笞杖徒流絞新律封文安侯

唐

李泌字長源其先魏人遷京兆歷仕元宗肅宗代宗

至德宗朝為相封鄴侯野乘載其天寶末居河清
紀寶廷芝遇葫蘆生事甚詳而引泌言先塋在河
清谷舊府志遂謂泌為河清人而縣舊志不載然
唐書謂泌祖自魏徙長安廣輿記列于西安人物
先塋何由在此但河清谷是否濟源所析之河清
縣無從考証而謂信使旁午則河清去洛甚近今
以列于寓賢侯質高明

柳鎮河東人宗元之父也天寶末遇亂奉母隱王屋
山間行求養後徙于吳肅宗平賊鎮上書言事擢
左衛帥府兵曹叅軍佐郭子儀朔方府三遷殿中

御史以事忤竇叅貶夔州司馬還終侍御史

韋况京兆萬年人少隱王屋山孔述睿稱之薦為右
拾遺不拜未幾以起居郎召半歲輒棄官去元和
初授諫議大夫數月乞骸骨以太子左庶子致仕
况雖世貴而志冲遠不為聲利所遷當時重其風
操

溫造字簡與并州祁人詳見太原人物晉溫嶠之後
大雅從孫也初隱王屋山人號其居為處士墅先
應張建封聘使幽州服劉濟繼居東都河陽節度
烏重允奏置幕府韓昌黎有送溫處士序即造也

後歷仕至節度河陽奏復秦渠枋口堰以既濟河
溫武四縣田召為御史大夫改禮部尚書府志及
舊志俱載為河清人豈以其墓在左家山故與而
廣輿記入于懷慶流寓宜從之

李愿隐居盤谷韓昌黎有序愚按讀韓文者皆以愿
為李晟之子李愬之兄鮮不稱其家勢顯赫而能
恬退自甘者然果若是文何無一語及且以不過
于時等語屬之考之唐書愿以晟功名授太子賓
客兩任節度入為刑部尚書晉左僕射復節宣武
以兵變貶後又拜左金吾大將軍節度河中卒贈

司徒並無歸隱之說舊志竟指此為晟之子棄官
隱盤谷迄無所據惟前志謂愿為邑人蓋亦有見
于歸盤谷字樣也又安得謂當時不當有二李愿
耶

蕭俛字思謙貞元中及進士第仕至太子太傅開成
初謝病居洛作別墅于濟弟俛為楚州刺史召見
帝曰俛先帝賢宰相筋力未衰尚可一來爾善道
朕意乃以詔書並絹三百因俛致之俛終不起自
放山野優游窮年

宋

杜衍會稽人前母有二子遇之無狀其姑匿之僅而
獲免貧甚傭書以自資嘗客濟源令知其必貴私
命大姓相里氏曰杜秀才不凡當以汝女弟事之
未成婚而公登第英宗擢知開封府權要聞其名
莫敢干以私慶歷中為宰相以太子太師致仕封

祁國公

陳堯叟字唐夫弟堯佐字希元堯咨字嘉謨父省華
為濟令三子同讀書於延慶寺相繼舉進士堯叟
仕至右僕射堯佐仕至太子太師堯咨仕至武寧
軍節度使皆贈太師中書令父省華封秦國公故

邑人建四令祠于寺內宋司馬溫公為之記

邑人建四令祠于寺內宋司馬溫公為之記

(元)

呂文卿潁川人隱居濟至正辛卯間妖賊半坡周等
虎據覃懷濟源特被蹂躪文卿惻然贊襄總兵招
義兵萬餘人討平汝潁鈞許以至鳳翔關陝秦隴
冀晉之區咸信服人濟民恃為長城上以忠義旌
之授中書省參政

(明)

張鵬冲號雲衢懷慶衛人崇正癸酉科武舉丙子冬
奉命督兵入山勦寇遇於王屋山麓列陣對敵寇

敗奔潰公休兵巖谷狡寇竊探攻其不備鵬冲提
刀步戰力竭而死

碑記在
湯帝廟

連光耀真定人初為本處千總落職徙濟上以武略
見擢于河內王公屢從討賊有功遷爵至都司子
四人皆驍捷善戰崇正十六年河南總兵劉超反
于永城時王公為巡撫帥師至其地聲言招撫邑
人開北門納之王公從大軍已入天忽雨賊乘勢
格闖王遂遇害光耀與一子皆戰死

隱逸

漢

田里先生生周名衍字元道只人系自之後又自人

角里先生姓周名術字元道軹人泰伯之後東園公
姓唐名宣明居園中因以為號夏黃公姓崔名廣
字少通隱居夏里脩道故曰夏黃公與綺里季同
避秦居商山世稱四皓作紫芝歌漢高求之數歲
不起後高帝欲廢太子呂后用張良計卑辭安車
固請四皓從太子侍上卒定太子皇甫謐高士傳
云四皓皆河內軹人姑志于此候質高明

河上公芮村人文帝讀老子有未解處遣使問之公
曰道德尊貴非可遙問也帝即造請乃授素書老
子章句二卷曰熟此則所疑自解

晉

郭文

有傳見藝文

仙釋

上古

廣成子與軒轅黃帝授道於王屋有授道壇三級瑤臺是矣又有清風臺明月臺皆與帝棲游之所今虛皇殿法錄堂肖像存焉其授受之言載於仙經西王母命元女授軒轅陰符乃破蚩尤相傳王母洞與瑤池相連常有仙燈出沒雲霄間

周

王子喬養道於王屋山

王子喬養道於華蓋山號華蓋君

浮陘公養道於玉陽山王子晉自緱山來王屋公與盤桓山谷間因息駕于靈都萬壽院憇鷓臺尚存有碑記其事

漢

趙叔期學道於王屋山聞有卜者在市往見焉卜者曰欲入天門調三閔存朱衣正崑崙期因叩請要道授以胎中記一卷拜受之後成道飛昇

唐

睿宗第九女昌隆公主脩真玉陽山改封玉真道號

濟州縣志 卷十一
萬華真人後於白日飛昇事在天寶間御書碑及
萬華靈壇祥應記

司馬承貞溫縣人博學能文自號白雲子師事潘師
正得辟穀導引之術睿宗召問對曰為道日損損
之又損以至無為帝曰理國若何對曰國猶身也
游神於淡合氣於漠順物自然而無所私則天下
理帝嘆曰此廣成子之言也辭歸王屋山後蟬蛻
而去弟子墓其衣冠時年八十九諡貞一先生
馬丹陽山東人慕仙術徙居白澗口內修養元真道
術數年飛昇有丹陽洞存焉

王琮咸通間為王屋令常念黃庭經六千遍未了深
義罷官絕穀咽氣入王屋山洞中見石幢上古經
一軸琮再拜曰臣竊入洞天萬劫良會今睹元經
願許塵目一披忽一人出語之曰吾東極真人王
太虛黃庭經吾所註授與子復與桃核數斗磨而
服之愈疾延壽更二十年期琮携桃與經而歸
二魯真人長春觀道士傳道於重陽直君王志祐祐
傳陞處機機傳寧神子張志謹謹傳元素子孫志
元元傳閻志定

後晉

燕蘿子王屋里人天福時佃陽臺道家田後得烟霞
養道之訣一日于宅井傍得靈異人參舉家食之
遂拔宅上昇今洗參井仙猫洞其遺跡也

宋

賀蘭棲真奉仙觀道士章帝聞其道術召至京師為
詩以獻上亦制詩以答之一日問曰先生有點金
術人言信乎對曰陛下聖德睿明富有四海臣願
以堯舜之道點化天下方士偽術不足道也上奇
其言賜號宗真大師乃謁觀之田賦祥符三年卒
年百一十有三時天大雪經三日頂猶熱

丞相龐籍遊王屋山許吉過王屋見其道服從三四童而行吉詢童曰此丞相龐公乎曰然吉曰何故遊此曰公作王屋山道君治此山也

元

邱處機字通密山東人寓濟源長春觀學道於靈都真君王志祐昌明元教多著述世祖召見於雪山上言為治在敬天勤民長生在清心寡慾世祖命左右銘之時國兵蹂躪中原河南北尤甚民罹俘繫無所逃命機使其徒張志謹等持牒召之由是為人奴者得復為良及濱死而得更生者數萬人

張志謹字伯恭一日行武陟道中遇青巾道者飲以
靈藥公遂體融心醉不知身在人間乃受道於印
處機居靈都觀勅賜廣元真人其弟子元素子孫
志元亦有伏虎降龍之力

苗道一龍翔宮道士一日聞洞明祁真人住雲州金
閣山遂往依之洞明以秘密授且曰汝緣在此將
大振元風恢宏祖道後世祖褒封為凝和持正贊
元翊運真君

明

古峰和尚姓周名勝安盤谷寺僧幼受沙彌戒修廢

寺三十座為一代名僧臨終有詩平生僻志慕林泉為愛清幽遠市塵破碎伽藍重整理荒殘祖道再流傳云云

李道人山西高平人弱冠時因母病登天壇舍身崖

舍身以祈其愈母病既痊遂結菴山中

事詳都穆遊王屋山


記

田守忠字如心勲掌人萬歷年間棄妻子學道於金爐山輸師師教以捨身磨性之術乃鑿棗木毬二圓如斗大白晝自山下蹋鞠於上夜則擲下崩崖教樹中必摸索得毬乃已常裸程佯狂於市人呼

田瘋子一日辭衆自言某日當仙逝至期果然遺
詩有苦煉十六載二頂脩兩泉我今奉帝命勅封
大造仙之句

國朝

許道人名士元會稽人善畫葡萄稱為許葡萄幼孤
家貧業樵蘇事母極孝性喜書樵蘇所易錢徹市
書就塾師學晝夜孳孳遂略通文墨年二十赴京
由典史考滿康熙年間選宿遷尉時方用兵而宿
當南北衝政務繁劇士元以微員佐縣令措置無
悞至今民歌其德不衰後丁母艱乃謝妻子去隱



漢書卷之十一
儒者宜抑絕其道勿使得進而志書主網羅散佚
凡前代所傳雖不見於經史務欲搜羅紀載以備
異聞君子論而不議可也

方技

漢

許負鍾公里人景帝時以相術名凡所品題富貴貧
賤壽夭如燭照數計無不響應所著有德器歌五
官襟論聽聲相行等篇

府志謂
溫人

王老失其名在靈都宮造桶不計價值後飛昇今呼

桶王洞

唐

駱山人長慶元年王庭湊使河陽回及沈水酒困寢于道山人熟視之曰貴當列土在今年秋既歸遇田宏正之難軍士擁為畱後訪山人待以函丈之禮乃別構一亭去則懸榻號駱氏亭

宋

武宗元字總之河清白坡人官至虞曹員外郎善畫佛道人物筆術精高嘗於洛都上清宮潛寫太宗御容真宗祀汾陰還經洛都幸上清歷覽繪壁忽觀聖容驚曰此真先帝也遽命設几案焚香再拜

漢江雜志 卷十一
其
嘆其画筆之神佇立久之初名道宗後改名宗元
于皇祐二年以壽終

明

崔來富號鳳山以精醫授鄭藩引禮居常丸藥以類
置各櫃中諭其家某疾用某櫃藥人有求者問疾
啟櫃以應並不及其姓名適麥秋在莊聞疫者多
且殆急歸丸藥置通衢標使取之或謂天雨麥爛
竟不顧先是富年五十餘乏嗣後多子孫且以書
聲相繼

王曇有奇術能役鬼神數為人除妖群妖苦之適曇

自邑歸謀殺諸路雲已知急舉首火從空降曇以
手指火反灼城樓得免

論曰舊志所載自唐宋二三賢豪外寥寥無傳豈
湮沒者多歟抑或日月旦之嚴也以予查閱府志及
他邑乘所記又往往不離乎善善從長者近是夫
一方有賢才猶山川之有珠玉也珠玉不必盡照乘
玉不必盡連城皆真也古人謂太上立德其次立
功其次立言士品一自昔已無嫌於差等矣今
各據實書之雖本不同出處各異而不沒已往
不欺將來是亦善書之直道也

又曰濟水出王屋山下而邑因以得名得山水之
清氣故民生其間者多挺特剛果不詭隨於時自
漢迄今二千餘年孝行則有若趙孝忠烈則有若
史抗傅察功名則有徐有功張廷珪隱逸則有四
皓及郭文舉文苑則有盧仝傅伯肅俱名垂史策
彪炳天壤最下以俠烈稱如聶政郭解雖不執於
正道亦得與山水增光獨有安昌侯張禹阿附王
氏為清濟之玷則存漢書本傳於藝文中而人物
擯不錄俾知立身一奴雖學為儒宗位為帝師曾
不若鼓刀之徒得廁石簡末後之君子其亦思所

以自勵哉

濟源縣志卷十二

列女

聶政之名傳以姊而姊之傳以政皆能舍生取義者也巾幗之中尤重節孝茹荼飲藥豈輕塵弱草之所能奪其志哉聶嫫之後歷漢唐至宋元比蹤英傑者當復不少而舊志缺焉可慨也發潛闡隱固期不濫尤不敢遺致貽冥譴志列女

戰國

聶嫫政姊政刺殺俠累韓暴其尸於市購問莫知誰嬖往審視乃伏尸哭曰是軹深井里聶政也以妾在

故重自刑以絕踪妾奈何畏誅沒賢弟名乃呼天悲哀遂死政旁

明

康孝女南姚里人父友賢年老無子擇壻王珏贅居女勸母爲父納妾生子而乏乳適孝女生女遂舍女而乳其弟曰吾父老矣女可得弟不可再得也母病危嘗糞其苦以驗差劇夫早沒誓不再適時人賢之趙氏廩生張岳妻岳故氏年十九生子厚甫三月氏守志撫孤至於成立辛苦萬狀邑侯安旌其門

王氏勲掌民苗緒妻年二十七緒故安貧守節撫養

孤子自福福亦少亡與婦郎氏同撫其孫六十餘年
王壽九十三郎壽九十七通判謝知縣武旌曰慈孝
雙節元孫爾嗣中順治丙戌鄉試

趙氏軹城民劉雄妻雄故氏年二十一家貧勵志上
事下撫孀居五十六年邑侯李申請旌表

于氏清源街人適李成龍勤苦操作事舅姑至孝李
死氏茹荼飲藥終三年之喪前一日具酒食上堂爲
舅姑壽退而治祭具是夜嚴粧自縊鄰人皆大驚駭
趨白縣官縣官親至拜奠爲治喪大吏奏聞世廟嘉
歎旌其門曰從容就義里人爲建祠段維哀有于節

婦傳

侯氏南姚生員王芹妻芹故子書甫一歲氏年二十
一守節五十餘年撫按以聞賜白金五十兩立坊旌
表

張氏軹城民趙時勝妻年二十三孀居撫孤子一元
攻苦成名以品行重於鄉巡按題請立坊

陳氏軹城民趙邦靖妻靖故氏年十七遺腹生子字
曰夢長名自然家貧如洗勤紡績以撫養成立邑侯
塗旌其閭

李氏清源里民賈應魁妻年二十四夫故氏苦守教

予卒年七十五邑侯塗以苦節可風旌其門

李氏濟廟街民耿中妻年十九中亡氏鬻粧奩以資
殯殮其夕縊柩前邑侯旌其貞節

張氏金鵝里民吳永吉妻年二十四孀居孝翁姑撫
孤幼五十餘年冰操如一日孫應舉萬歷丙午登賢
書

李氏韓村增生朱人龍妻龍故遺子文起甫五歲氏
義方教子食餼於庠邑侯盧旌其門曰萱貞桂茂

李氏清源里廩生呂登庸妻年二十二夫從舅氏宦
楚而死氏聞訃絕粒其姑婉轉開諭忍死撫孤二子

澤州府志 卷十三
三
肇渭載渭俱廩餼

李氏官橋村民朱民望妻年十八望故堅志守節卒
年八十三

左氏東陽里民邢典妻年二十四孀居無子以手工
奉養翁姑三十餘載營墓畢從容辭所親是夜自縊
死

孫氏東陽里民邢繼蘇妻年十六于歸半載蘇故一
月之後自酖柩前巡按王旌其門曰女士母師

李氏雷養里生員胡從周妻夫死無子從容自縊邑
侯躬親弔奠且表其門閭

劉氏東陽里民秦宗民妻流賊始至四掠氏恐受辱
卽自縊死撫按旌其門

薛氏生員王名佑妻伉儷甚篤名佑病且危目視氏
不轉瞬氏曰我知之矣此易事耳請先君死以明其
志遂明粧自縊名佑驚起且拜且泣病遂以愈亦終
其身不娶

劉烈女洛陽人隨父候選知縣劉某寓居濟源聞賊
破城隨其母躍入井死

宗氏河合韓毓新妻流賊至抱其子入井死

趙氏張金里民王奇品妻寇至同羣婦避彭家莊寨

賊逼驅下寨氏蒙面墜崖死

王氏九德女嫁侯一夫亡死節建坊

張氏馬頭民鄧奇明妻性至孝姑病割股以療之夫故守節撫五子成立卒年八十八歲

李氏杜村里民李珩女

趙氏南姚里民范一元妻

王氏南姚里民范齊妻

李氏官橋朱根母

孫氏生員宗國望妻 以上五氏俱夫死守節

國朝

尚氏清源里民史國泰妻順治元年流賊破城氏攜一子一女賊威逼不從母子三人飲刃死

吳氏軹城里生員劉光妻順治元年李寇破樂安寨迫衆婦爲炊氏厲聲曰只拚一死决不爲死賊供饌寇怒欲脅出寨外大罵不從殺之

段氏崇慶里生員宗昌允妻年二十六允故氏不食衆苦勸乃食甫十四日殯夫畢給家人曰吾欲食新穀米令往野採之卽閉戶自縊當事旌其門

段氏清源里貢生郭之翰妻年二十五翰卒有母在堂一女尚幼氏孝慈兼盡母卒殮畢氏痛哭嘔血而

死郡守彭邑侯辜並旌其門順治八年奉

旨旌表有祠

聶氏留養張永康妻康故遺二子長增四歲次光祚
二歲氏與副室李氏守貞教二子皆遊泮孀居四十
八年以壽終訓導陳題其門曰柏舟二芳

霍氏官莊民王啓軒妻年十八喪夫上事舅姑下撫
孤子世福紡績織紉以爲活畢生荼苦而甘之如飴
趙氏泥河頭民曹啟春妻姑病瘧不愈深夜忽思食
肉氏遂割股以進及瘡發姑始知之哭曰苦哉孝婦

九泉難忘爾矣

趙氏壩頭民張繼言妻年三十夫亡遺孤起麟未週
歲苦節自矢翁病篤割股以奉節考雙全鄉人賢之
李氏舉人李生榮女適生員劉濤濤死投繯者再親
黨輒救之氏乃絕粒越十餘日而死邑令鄧匾其門
曰冰霜節烈

衛氏生員李培長妻年二十三歲夫亡守節操凜冰
霜邑令鄧旌其門

王氏水東里生員商昌祚妻夫亡守志年八十餘邑
令尤旌其門曰柏操熊丸卽商彝之母也撫孤孫佐
以長以教至於成人佐入邑庠子四甲乙俱庠生

宗氏生員商彝妻彝故氏七日不食自縊而死時年二十九歲通判署縣事仝區曰從容就義隨以節烈具詳題請 旌表康熙二年建坊雍正十年入祠

劉氏候選主簿王親賢妻早孀苦志五十餘年子世俊松齡世任世偉孫景昌佩蘭輪英等皆入學知名年八十五卒公請 旌褒

屈氏休昌生員李之棟妻夫早亡氏矢志柏舟孝事舅姑死爲殯葬鄉里賢之年八十七卒

段氏河頭村監生李鴻緒妻夫故遺子廷論未週歲苦志冰霜卒年六十通判署縣事王旌其門

來氏孝廉吳應舉妻適吳克盡婦道內外咸稱其賢
寇至闔門星散以身翼孝廉被數刃幸免冰霜勁節
四十餘年生二子含藻含鏐皆知名士邑侯尤以慈
節流徽旌其門

孔氏拔貢王記禮生員典禮之母孀居時記禮方二
齡典禮甫週歲同姑翟氏冰霜共守以母道兼師道
撫育二子卒至成立邑侯尤旌其門曰矢節和丸
胡氏張養鱗妻年十九守志至七十二以壽終邑侯
尤旌其門

陳氏軹城生員劉延祥妻二十一歲守寡冰操自持

濟州縣志 卷十二
卒年六十二撫一子一女成立里人賢之


李氏杜村里民王世承妻年十九夫故守節卒年七十三

翟氏張經辰妻十八孀居守志邑侯尤以節孝堪傳旌其門

李氏朱民旺妻年十八旺故守節卒年八十三

王氏李士濟妻十九守寡卒年七十五子紹白入庠段氏生員段振鶴女適生員李呈藻藻故幼子多病

有富貴家慕其賢淑托老嫗以言探之氏曰使慕富貴而輕節義何以見父母昆弟寧死不肯爲此以姑



以上見舊志

壽母韓氏庠生杜琳妻溫柔秉性慈孝持躬蘭桂承芳松筠彌勁琳享年九十氏壽一百一歲兩沐

皇恩子三長文謨次方舟蘭舟俱庠生孫七崑齡亦入庠曾孫十元孫二皆氏所及見乾隆六年邑紳段敬修等公舉百歲大壽邑令陳給以匾額曰

聖朝人瑞

史氏庠生李觀濤之母李三錫妻四德俱全五福咸備義方教子經明行修邑紳衛大司空嘗受業於觀濤當史氏年九秩時以德門壽母匾額爲贈亦閭里

之盛事也

以上壽母

李氏添漿村楊冲雲妻結褵十日而夫沒氏矢志靡
他事翁姑以孝立姪春茂爲嗣康熙年間邑令尤以
節孝可嘉旌其門春茂早世妻趙氏亦能孝事孀姑
撫其子宗武成立里黨至今稱之

陳氏王建嵩妻年二十七而夫故早暮力作以養翁
姑遺孤文廣年甫七歲撫教成立又早亡遺孫三人
媳陳氏立志苦守事姑至七十七而終陳今亦已六
十邑令蕭給匾曰柏舟繼咏

許氏軹城里史凝奎妻年二十三歲夫故遺子庚甫
二歲家甚貧苦志撫孤成立庚沒子延齡甫九歲妻
李氏與其姑誓同守節教育延齡四十餘年

史氏庠生國昌女翟燦儒妻堰頭里人二十一歲夫
亡撫遺腹子又早亡再撫孤孫貞節自守五十餘年
墓翁姑於饑饉之秋孫媳李氏年二十而寡以伯兄
逼嫁投井不死夜復自縊允稱貞烈

趙氏西陽里劉振達妻二十歲夫亡遺腹子潤生撫
養成立潤生又夭媳趙氏亦有遺腹子兩世孀居共
嘗荼苦且能殯葬舅姑閭里稱之

楊氏擢頭村張璪妻王氏張珀妻妯娌皆少寡矢志守貞同事舅姑俱能盡孝楊氏子煥文王氏子炳文襁褓而孤讀書成名並游庠序皆母教之力也

盧氏西許村庠生楊珣妻二十歲而寡遺孤涑甫二歲氏孝養孀姑撫孤成立涑又早亡妻李氏年二十六歲生子元甲丙吉元新婦姑相依數十年如一日後元甲入成均丙吉入庠

璩氏庠生王殿遴妻舉人璩廷祥女于歸時年甫十八自知有病勸夫納妾任氏生一子未及三載夫病氏焚香祝神願以身代夫故痛哭幾絕既而語妾任

氏曰值此大變理宜殉夫但念翁姑無人奉事襁褓之孤誰爲撫育必盡孝慈方全大義遂矢志守節其妾感化甘心同守一門雙節里黨稱之

杜氏御駕莊儒童張士芳妻李氏士蕙妻皆早歲寡居撫孤成立其姑癱病十年兩媳奉事惟謹沒後盡哀盡禮可稱節孝雙全

李氏河頭村李振先妻早歲孀居子化貞尚在襁褓撫養成立娶婦王氏而化貞早世有子亦殤李氏擇取姪孫小梅承繼乾隆十二年邑侯給匾旌其門

以上一門雙節

康氏馬頭村梁太和妻年二十五歲守節撫孤子殿文後出任常熟縣巡檢邑侯甘旌其門

商氏北榮村王玉珍妻二十二歲夫亡姑老二子皆幼矢志守節姑卒喪葬盡禮子登朝登梯以貿易成家有孫亦旺等五人康熙三十七年邑令甘給匾旌獎

葛氏鄭村趙學玉妻苦志守節

杜氏邵原王澤貴妻可振之祖母二十八歲夫亡事姑撫子堅貞自守康熙三十八年邑令給匾曰孝慈

全貞

牛氏西許村張文瑞妻二十三歲夫沒遺孤二長綸
年二歲次緒甫襁褓辛勤鞠育教以義方康熙四十
六年邑令俞給匾曰勁節維風孫延年郡庠生

侯氏靈石縣知縣榮圭女段三錫妻十九歲而稱未
亡孝慈兼盡艱苦備嘗守節六十八載康熙年間邑
令俞旌其門

劉氏任寨村李九賀妻二十六歲夫亡自縊至再以
刀刺其面見者傷之奉養舅姑克盡孝道舅姑既沒
殯葬盡禮康熙五十五年邑令俞給匾旌獎

陳氏崔家莊崔祿妻二十一歲夫亡子幼有迫之改

適者氏誓死不從邑令余匾曰慈節可風

陳氏邵原里晉朝相妻守節終身

劉氏馬頭村張希湯妻邑令余匾曰慈孝冰操

趙氏中王村張文章妻康熙五十七年邑令余給匾
曰全節永年

劉氏庠生浩女李爾驥妻于歸十年夫病危篤氏於
夫前翦髮明志夫沒氏年二十六歲數欲殉夫以翁
姑諄勸遂苦守事翁姑視夫在日更加孝敬及翁姑
沒哀痛盡禮一燈紡織督子讀書其子稍懈卽哭泣
不已卒使二子成立入庠康熙五十八年邑令余旌

其門曰貞慈毓俊

璩氏龍潭里苗份妻御史廷祐長女二十六歲夫亡
矢志守節孝養孀姑以叔之子志學爲嗣愛如已出
姑卒殯葬盡禮嗣子入庠康熙辛丑年邑令余給匾
旌之

楊氏北榮村王登輅之母邑令余旌其門

尤氏孫村于賢妻邑侯趙區曰節孝貽芳

王氏西陽村常改觀之母邑令區曰節孝可風

王氏薛莊任挺生妻年二十一歲守節無子邑令湯
以冰霜矢志旌其門

李氏鄭村監生李尚品之母年二十一歲寡居守志
訓子成人雍正六年邑侯湯給匾曰節守可褒

李氏薛莊任洪馨妻十八歲于歸甫數月夫故氏截
髮守志孝事翁姑生養死墓罔不盡禮撫嗣子西庚
慈而且嚴雍正七年邑令湯旌其門

趙氏龍頭村李璐妻二十四歲夫亡苦節自守撫遺
腹子正倫至於成立治家嚴肅里黨稱其賢能雍正
九年邑侯顧旌其門曰勁節維風

李氏邑庠生李楫之女庠生周伯正之妻二十五歲
夫亡守志事舅姑最孝出奩資以勸大事焚遺券以

睦宗親撫嗣子至於成立雍正九年請 旌入祠建
坊坊間題一聯云烹鯉事三姑孝隆京室和熊撫二
嗣節媿廬陵

趙氏馬寨村史思明妻青年夫亡孝事舅姑取從姪
裕後爲嗣訓教成立雍正十年邑令給匾曰茹蘖回
甘

吳氏庠生李尚賢妻歲貢吳含諤女幼卽以禮教之
明於大義年十九夫亡三日不食自縊二次姑泣而
勸之因緩其死姑年七十六卧病不起氏親嘗湯藥
親滌溺器每夜禱於神前願以身代姑夜夢青衣神

曰女以孝帚曾事一已

曰汝以孝婦增壽一紀未幾病愈壽至八十八歲氏無子以姪李郁爲嗣教之甚嚴郁弱冠入庠雍正十一年奉

旨建坊

顏氏石璘妻守節三十餘年雍正癸丑邑令顧以勁節凌霜旌其門

衛氏趙國屏妻年二十五歲屏故氏哀毀不食死而復甦者數次苦志守節四十八年雍正十一年奉

旨旌表

許氏鍾公里葉琮妻年十五歲其夫大病翁姑信俗

人冲喜之說迎娶過門未及三月夫亡氏欲殉死翁姑勸曰吾夫婦賴汝奉養汝能守節自當立嗣氏誓無他志孝事翁姑克盡婦道嗣子年方三歲教養成
立雍正十三年奉

旨旌表

李氏大河里任選妻年十九歲夫亡痛哭幾絕以上有孀姑叔方七歲立志自守紡績以供甘旨姑沒喪葬盡禮撫叔成人爲之娶妻生子加福叔亦感嫂之恩敬嫂之節以福爲兄嗣乾隆元年邑令顧旌其門王氏柴家莊楊宏祚妻夫早亡其姑久病氏奉事湯

藥十餘年如一日姑沒盡哀盡禮與翁合葬於祖塋
之旁遺孤二歲撫之成立邑令給匾旌之

李氏中王村許式軫妻夫故氏年二十六歲欲以身
殉以姑勸諭而止姑癱病在牀侍奉不倦及沒喪葬
盡禮盡哀撫姪與子無分彼此乾隆二年邑令旌其
門

李氏畱村趙九韶妻吏員宗文之祖母二十二歲夫
沒舅姑七旬有餘遺孤未滿週歲苦志冰霜上事下
撫鄉人賢之乾隆二年邑令旌其門壽八十有二

劉氏南姚里王希禹妻年二十歲夫亡孝事翁姑翁

病危默禱於神比愈誓願終身茹素以酬神祐子建
東列名太學克承母教氏守節三十餘年邑令旌其
門

葉氏中王村許露妻夫故苦節自守邑令顧旌其門
曰懿行流芳

蔡氏苗店村生員鄭王選妻二十四歲夫故氏絕飲
食以死自誓翁姑力爲解勸氏強起飲食以姪璽爲
嗣延師訓教早歲入庠事翁姑與繼姑姑恪盡婦道治
家整肅乾隆四年邑令旌其門曰節凜冰霜

郭氏趙國棟妻年二十歲夫亡守節事翁姑盡孝撫

子甫世成立乾隆四年邑令顧給匾旌之

李氏御駕莊高尚妻夫死無子有地三十畝屋二所夫之叔利氏改嫁盡將遺產奪賣氏窮苦無依紡織餬口往往斷炊鄉里莫不憐之苦守四十四年而卒雷氏李武妻于歸不及三月夫沒氏年二十翁姑年老紡績供事備極勤勞未幾翁姑繼沒夫弟李佐尚在襁褓氏母以其上下無依欲令改適氏堅貞自守撫育夫弟更極艱辛年九十一歲而卒

蘇氏西瑤河李如佩妻二十五而寡其姑與夫兄欲奪而嫁之氏聽其挫折委曲承順以終已志非母族

未嘗一往

孫氏閔文魁妻年二十七夫亡氏痛不欲生翁姑力
勸氏泣而受命上事下撫艱苦備嘗遺孤補聖生三
子智信天渠皆名列邑庠長子讀書未就以子開正
任雲南澂江府司獄封登仕佐郎氏壽八十一而終
孫氏孫村李化普妻守節終身

王氏在城武舉翟定國之繼室二十七歲夫亡守節
四十四年而沒結褵之後相夫成名燈火青熒勤于
紡織事翁姑與繼姑以孝翁病癱瘓扶持尤勤撫前
妻之子及長孫教養兼至先後俱入庠序

段氏杜村庠生王名臣妻早歲孀居四子俱幼事翁姑最孝而教子甚嚴守節五十餘年享壽八十有七伯仲二子皆入庠餘業儒

段氏李文瑞妻早歲發居事翁姑敬而順撫子女慈而嚴其於里黨也更周濟貧乏遠邇皆稱道之

楊氏栲栳村李允昇妻適李五載允昇客死無子又乏產業翁姑憐之勸其改嫁氏痛哭曰翁姑年老無子婦紡織經營分所當然後翁得脾病氏調和飲食不倦康熙六十年大荒日不舉火氏向隣里傭工得升台歸進翁姑而已或不再食翁姑卒氏先後殯葬

其苦節賢孝如此

王氏邵原里閭希瑞妻年二十二歲希瑞溺死翁憐其無依勸令改嫁氏不肯從其母亦勸之遂不歸母家者三載後乞撫同族三歲兒爲夫嗣苦節四十餘年

王氏邵原里牛義學妻二十六歲夫亡守志撫孤事翁姑至孝里黨皆重其苦節

王氏庠生宏猷女儒童李獻璜妻年十八于歸越六載夫亡志在殉夫自經幽室以舅姑勸解忍死含哀孝事庭闈罔不盡禮七十四歲而卒

衛氏候選州同知李天章妻二十九歲夫亡一子未及週祖姑年八旬常病飲食起居奉侍惟謹藥餌必親嘗穢溺必親滌不以諉之妯娌姑沒喪祭盡禮伯姒小嬸皆早世有子皆幼氏撫兩姪如己子至於成人受室至伯叔及再續之姒嬸相繼物故諸事氏皆爲之經營翁年逾古稀又有足疾氏孝養始終不懈艱辛憂鬱視他人之守節者尤極荼苦子國現入成均克承先志皆母教之力也

李氏郭三傑妻夫樵于山墜崖死氏年二十有七有娠五月立志守節生子名自用氏紡績織紉艱苦撫

孤以終其身

范氏南姚王正本妻夫亡無子依夫之兄嫂同居未幾兄嫂相繼亡兩姪皆幼有勸氏他適者氏曰姪兒賴我撫養王門得以不絕其後母家竟欲令人強娶氏聞知時袖短刀倘有不測卽自刎議者乃息姪既長以次姪爲夫嗣鄉里莫不賢之

李氏泥溝村李如璫妻年二十歲守節撫孤邑令董匾曰勁節芳徽

李氏邵原王明妻二十五歲夫亡子甫七月姑逾五旬上事下撫孝慈兼盡子天撫姪孫以延宗祀姑沒

喪葬盡禮乾隆五年邑令董洽匾曰青巢瓜絜

喪葬盡禮乾隆五年邑令董給匾曰清操孤潔

商氏邵文士妻夫故守志撫孤邑令董旌其門曰節
勁松筠

鄭氏水東里王執毅妻年二十歲守節撫孤郡守柴
匾曰冰心玉節邑令董匾曰芳徽風邁

張氏南姚村王廷貴妻二十結褵三載夫亡撫遺腹
子食貧守節四十餘年里黨共推重之

杜氏宋家莊李玉秀妻結褵未久其夫客亡二親衰
老子僅二齡氏上事下撫以十指辦之且能歸其夫
喪又爲舅姑營葬晚年教子貽孫家亦豐裕可稱苦

節回廿

李氏御駕莊楊元英妻年二十三歲守節撫孤里黨稱之子兆麟邑庠生

李氏邵原里杜士林妻子歸後生子甫一歲士林病故家無寸土氏苦志守節撫子成人

李氏東陽侯夢周妻年二十三歲守節撫孤數十年如一日

李氏栗子溝張進福妻年二十二歲夫亡子維周甫二歲氏苦志守節孝養其姑訓子成立

朱八官橋李倫妻年二十歲夫亡子興生尚在懷抱

氏守節撫孤歷數十年如一日

黨氏南程村李坤妻年十九歲夫亡生子未彌月守節撫孤已符旌例

翟氏邵原里楊正政妻年二十夫亡守節撫姪爲嗣
乾隆五年撫臺尹題請 旌表

侯氏邵原里楊泗妻年二十九而寡氏矢志自守嗣子昌方三歲養之教之至於成立乾隆五年邑令旌其門曰冰雪作心

范氏杜村王光崇妻邑令董區曰志履冰霜

李氏邵原里翟開祥妻玉隆之祖母二十二歲夫亡

守節督學汪以翠葆貞松匾額獎之

張氏邵原里李明福妻年二十七歲夫亡家貧姑老子幼其姑強氏改嫁氏親自鳴官誓不再醮巡司匾曰矢志冰操

張氏城內楊廷振妻夫沒堅貞守節乾隆十年邑令陳詳請旌表

張氏孫村于應好妻夫亡苦志守節

何氏勳掌村苗際泰妻夫故守節

燕氏承留村孔毓蘭妻夫亡守節

翟氏禮莊趙掄元妻年二十歲夫亡守節撫孤子統

已入庠

趙氏河頭村李紹文妻夫沒守節

馮氏邑西關段廷祚妻少寡家貧子幼氏勤力織紡
夜嘗磨麵日賣蒸食以佐饕餮苦節自矢未嘗一至
街巷康熙六十一年大饑穀貴翁姑病疫氏將次子
質銀以奉湯藥乾隆九年邑令陳申詳請旌
衛氏呂魁生妻夫亡守節

李氏西軹城楊大勳妻年二十六歲勳卒子在襁褓
家極貧鹽粥不給賣蒸食以養姑艱苦備嘗守節自
誓且獨處則飲泣見姑必和顏以承歡孀居三十五

載乾隆九年奉

旨旌表

衛氏朱廣妻年二十六歲夫亡守節

楊氏翟開嗣妻玉成之祖母年二十歲夫故堅貞自
守嗣子早亡撫孫成立乾隆十年邑令給匾曰志履
冰霜

于氏趙桂輔妻守貞捐軀乾隆十年題請建坊

楊氏邵原鎮王永生妻二十八歲夫故撫嗣子空辛
勤萬狀乾隆十年有司給匾曰節凜冰霜

楊氏邵原里李含秀妻年二十五歲夫亡子幼守節

四十七年

李氏劉廷錫妻二十一歲夫亡事翁姑盡孝撫嗣子
思聰慈而嚴乾隆十年邑侯陳以志同金石旌其門
楊氏李尚賓妻結褵七載其夫病故氏年二十五歲
孝事翁姑紡織以奉甘旨姑病氏夜不解衣不避污
穢姑病卒賴以愈子稍長延師訓誨因家貧不給督
令力耕時以母得遊手好閒結交匪人爲戒且沉靜
堅貞親隣有邀其入廟焚香者皆不往年七十五歲
卒乾隆十年邑令陳詳請 旌表

李氏趙性祥妻年十八于歸二十六歲夫沒氏絕飲

濟州縣志 卷十二
食以死自誓翁姑委曲勸諭氏翻然悔悟事翁姑極
孝謹子瑞麟甫七歲延師訓誨今入縣庠

姚氏西街監生段維藻妻二十五歲夫亡上有孀姑
下無弱息氏呼天搶地剪髮明志立嗣子以承桃延
經師以訓課丸熊晝菽自教尤勤績火書燈夜以繼
晷不獨問安視膳晨夕勿離婦職之虔族黨皆稱其
孝享壽七十一歲子勤脩增廣生員孫躍龍見龍俱
入膠庠不墜家聲克彰母德姪孫泰州知州元文贊
曰事姑盡孝訓子有方克勤克儉艱苦備嘗志矢金
石節凜冰霜剪髮自誓柏舟永傷志之邑乘以發潛

光

馬氏烈林趙允中之母年二十二歲夫亡守節邑令
陳匾曰堅操不易

李氏邵原里楊長林妻夫亡子萬秋甫三歲守節撫
孤至於成立乾隆十年邑令陳給匾旌其門

苗氏堰頭里張廷策妻年二十夫亡子琬甫數月家
極貧氏苦志守節三十餘年子琬有聲庠序邑侯陳
旌其門曰閨壺奇力

高氏邵原李尚友妻夫故子成名甫二齡氏年二十
七歲矢志靡他辛勤紡織苦歷四十餘年婦盡子職

母兼父道卒能教子成立考授登仕郎乾隆十年縣令陳旌其門曰白首完貞

李氏梨林趙加脩妻守節四十四年邑令陳匾曰志同金石

翟氏邵原鎮楊貞盛妻二十六歲夫亡遺孤四歲矢志自守子又早亡撫孫應綵成立乾隆十一年署令石給匾旌之

李氏儒士傅拱周妻十五歲于歸越二載夫亡守節撫孤乾隆十一年邑令以孝慈完節旌之

許氏生員趙際昌妻歲貢生趙幹之母青年守節訓

子成名邑令陳以茹藥丸熊旌其門

李氏梨林趙滙妻年二十三歲夫亡四月始生遺腹子氏守節撫孤邑令陳匾曰壺中至性

劉氏商彰妻年二十歲夫故氏堅心守節紡織度日事祖姑及翁姑克盡孝養沒殯墓盡禮撫教幼子引中至於成立爲人更極端方乾隆十一年邑令旌其門

閔氏張輔妻二十五歲夫故苦志守節撫姪洪義爲嗣至於成立事翁姑至孝邑令陳給匾旌表

王氏廟道街黃魁生妻二十六歲夫亡堅貞自守晝

夜紡織撫子珍成立乾隆十二年邑令陳給匾獎之
李氏北官莊葛玉林妻苦節自守隣里稱之乾隆十
三年邑侯給匾旌其門

翟氏趙文儒母年三十歲夫亡苦節撫孤晝夜紡織
幼子弱女俱已成立壽逾七旬猶績紡不懈乾隆十
四年邑令給匾旌之文儒亦蒙給匾獎勵

商氏苗店村翟大興妻夫故遺子三歲守節堅貞撫
子成立乾隆十四年邑令陳給匾旌獎

史氏堰頭里趙玫妻年二十夫故守節撫姪爲嗣邑
令陳匾曰巾幗完人

王氏衛淇宗妻年二十九夫亡欲以身殉翁姑諭曰

王氏衛淇宗妻年二十九夫亡欲以身殉翁姑諭曰
吾長子既沒次子方幼爾死誰與奉養且獨不念爾
七歲之兒乎氏乃銜哀忍死以事舅姑踰月翁卒姑
患癱症不能運動並不能言氏以意揣而養數年無
倦色卒與翁合葬無不如禮夫弟淇洸未婚盡出所
有衣服首飾爲之婚娶子淳樸自守克遵母訓乾隆
十五年請 旌

李氏官莊村葛進昌妻二十六歲夫故守節撫孤乾
隆十五年邑令給匾曰節孝維風

楊氏于琰妻年二十二歲夫亡誓與同死引繩自縊

者數次氣絕復甦家人力勸乃止婦代子職竭力奉
養姑病氏奉侍湯藥晨夕不離再易寒暑如同一日
二親既沒殯葬盡禮撫姪殿佐爲嗣不異所生守節
四十餘年

盧氏楊長雲妻夫亡守志三十餘年

盧氏趙應元妻年十八夫故遺一子未滿週歲氏守
節撫孤至於成立翁姑早亡祖姑衰邁氏服勤十餘
年日夕不懈祖姑卒喪葬盡禮隣里稱歎乾隆十六
年邑令旌其門

郭氏南程村李珂妻年二十二歲守節撫孤人咸稱

之

柴氏官莊倪廷瑞妻子歸一載而夫故氏年十九歲子王道甫兩月姑馮氏逾六旬家貧無以度日族人欲嫁之氏以死自誓其後連值饑荒氏晝夜紡織以養其姑而自甘凍餓有商德完者重其節孝嘗周給之如是者數年迄今姑以壽終子亦成立氏守節已三十餘年里黨之間具呈公舉邑紳張錫齡有文稱

柴氏之苦節並及德完之義

王氏南姚馬義妻年二十夫沒家貧一子甫二歲翁姑勸氏改適氏不從績紡以撫孤數年其子復死事

九旬老翁不改初志

張氏軹城里劉璧珍妻幼喪母依嫂以長及嫁夫早
亡氏矢志堅貞姑病痿十年奉事不倦翁嘗歎息曰
得婦如是吾子爲不死矣翁姑既沒喪葬盡禮大事
已畢欲從夫於九泉以嗣子幼弱恐失教繼姑愚有
二子不能撫氏曰此吾責也朝夕訓誨皆成立且持
家有法產業日豐善事多端雖巾幗而可比蹤英傑
其兄子進士張錫齡爲作傳乾隆十九年奉

旨旌表

劉氏南門居民楊王觀妻二十六歲夫亡上事老姑

下撫嗣子孝慈兼盡里黨稱之

李氏崇慶圖庠生宗奇印妻十七歲于歸二載夫亡遺孤倫甫數月氏事舅姑以孝而育子恩勤子倫早亡遺孫擅華袞俱幼氏紡織度日以撫養孤孫訓誡甚嚴後俱入泮

周氏永城司訓桂齡長女鹿邑司訓翟璠次子有敬之妻二十二歲而嫁越三載夫亡氏嚙指截髮舍哀忍死先後事祖姑及翁姑與繼姑皆以孝稱處孀居之伯妯以謙謹撫姪大生爲嗣如已出有古賢母之風乾隆二十年撫院蔣學臺孫會核題 旌

趙氏王懿德妻增生書玉之子婦十八歲于歸二十
歲而寡撫遺腹子雲鵬至於成立事舅姑最孝日夜
紡績以供饗殮病中醫藥沒後殯葬皆竭力備辦無
缺乾隆二十一年奉

旨旌表建坊

鄭氏軹城圖趙百朋妻夫故守節孝事翁姑撫孤成
立年登八十八歲壽而康強乾隆二十一年邑令蕭
旌其門曰勁節遐齡

周氏王瑋妻夫故氏欲以身殉家人勸之曰爾夫未
有嗣翁姑未葬何可遽死氏因含忍數年撫姪爲嗣

墓事既畢遂絕粒飲水完節而亡

翟氏龍潭里郃新年妻二十六歲夫亡氏以勤苦持
家孝事翁姑慈撫子女翁姑沒殯墓如禮氏年逾大
耄可稱柏節松齡

侯氏馮石村李成春妻年二十一守節撫五月之遺
孤以承宗祧其事翁姑生養死墓俱能盡孝氏年逾
七十而亡子名章今已成立

苗氏李廷貞妻二十四歲夫亡上奉老姑下撫幼子
孝慈兼盡次子尚志已入庠夫之弟廷泰遺子二歲
撫養成立與己子產業均分且樂於施與西陽村有

劉德通溺於水棺殮之資掩埋之地皆氏給之年七十三歲卒

翟氏崇慶園孫時榮妻年二十六歲夫亡守節至七十二歲而終艱苦備嘗孝慈兼盡

張氏李文尊妻二十九歲夫亡子幼舅姑衰病氏日夕操作以供甘旨年七十一歲而終其存時鄉里屢欲公舉節孝而氏諄切止之白髮貞心固不爲名譽計也

史氏西陽里許堯智妻年十九歲喪夫無子夫有堂弟堯民三歲失母無依氏撫養成立且爲置產皆出

自紡織之餘其勤苦如此年六十九而卒

蔣氏張亮工妻年二十一歲夫亡無子族人覬覦家
貲峻繼姑奪其志氏堅守不從益以孝謹繼姑爲之
感悟堂姪宗禹甫四歲取以爲嗣延師教訓極有禮
法里黨稱之

王氏承畱趙錫璫妻二十八歲夫亡守節三十八年
楊氏監生曹大儒妻年十六于歸七載夫亡子二長
甫四歲次五月氏矢志堅貞上事下撫艱苦備嘗

楊氏劉其泰妻年二十一而寡遺腹子宏儒撫養成
人上有老姑事之甚孝守節三十二年

氏崔掄英妻年二十三歲夫亡守節

楊氏邵原鎮高巍妻守志撫孤教子成立

楊氏雷養村李全齡妻夫亡守節撫姪承嗣名廷材

已入庠氏年逾八秩繞膝孫曾慈竹貞松宜膺天祐

周氏東許村郝世傑妻年二十四歲而寡氏呼天號

泣氣絕而復甦者數次翁姑勸之氏泣而受命紡績

以供甘旨翁先沒姑以壽終營墓盡禮夫故時子廷

掄五歲良粥三歲廷擢生僅十五日氏慮幼孤之無

成竭力撫育延師訓教其後三子俱入邑庠長孫體

元三歲喪母氏養之教之早入郡庠乾隆二十五年

庚辰

恩科中式第六十三名夫妹適郭惠夫婦相繼而亡遺子女四人俱幼氏體姑意畱育於家視如親生同居二十餘年爲謀衣食擇婚配督令攻書甥文忠已名列邑庠隣人子死貧無以殮氏出已囊買棺成殮衆咸稱之乾隆二十三年邑令蕭詳請旌表建坊

王氏衛子疆妻二十六歲疆故遺一子尚在襁褓氏堅貞自守撫養遺孤嚴於教訓子作謀名列成均翁姑失明朝夕奉養歷三十餘年德孚於內名播於外閭里稱之氏今年已七十有餘

史氏中王村郝祥生妻孀居時僅十九歲有子方四月有以家貧勸其改適者氏曰從一而終婦人之道也立志撫孤今子已生孫氏年七十有五

李氏邵原里武倫妻二十五歲夫故有子甫一歲室如懸磬日夜勤苦以事翁姑克盡孝道今年七十有餘子治邦端方正直皆氏教誨所致

張氏泥溝村李如現妻二十八歲夫亡翁姑殘疾子女幼小氏上事下撫倍極辛勤今年已七十六歲邑令蕭給匾旌之曰懷清再築

喬氏吳士貴妻年十九歲夫亡一子方七月翁姑年

逾六旬家貧織紡以養之翁姑繼沒殯葬盡禮訓子

逾六旬家貧織紡以養之翁姑繼沒殯塋盡禮訓子甚嚴閭里稱之氏今年逾七十

任氏李執禮妻二十八歲夫故遺孤德民甫五歲家業寒薄紡績以事舅姑至於殯塋氏今七旬子已成立

鄭氏于娥妻年二十六夫故上事翁姑克盡孝道一子五歲辛勤撫養又復早夭氏痛不欲生復念宗祧爲重乃取姪肩侯爲嗣撫如己出今肩侯已入庠有三子氏年七十餘歲

趙氏南姚里王希堯妻十八歲夫亡子天德尚在襁

祿氏矢志撫孤訓以義方俾之成立上事舅姑四十餘年備極孝謹邑令董給匾曰松筠著節氏今年六十有五孫文茂盛里黨稱之

翟氏李連第妻年二十七喪夫又無子女釋月後父母欲奪其志氏慟哭且欲自盡舅姑常護伺之不歸寧者數年善事舅姑得其歡心迨舅姑沒殯葬從厚里人僉曰賢寡婦

侯氏御駕莊李甫瑞妻二十三歲夫亡守節事姑極孝撫姪爲嗣今年六十有八

張氏水屯村趙洪宗妻二十一歲夫亡子克儉甫一

歲翁姑年老家又極貧氏勤苦自甘孝慈兼盡今年已六十有七

李氏原家營賈三成妻二十七歲夫亡子女俱幼家甚貧氏苦節自守今子女俱已成立氏年六十有七李氏梁璜妻年二十二歲夫沒遺孤二歲姑已七旬堅貞自矢又數年姑卒喪蒸盡禮教子勉興甚嚴入國學氏年六十有七

李氏趙元文妻二十二歲夫沒堅志守節奉事翁姑養生送死無不盡禮立嗣子良元以綿宗祀今氏年六十有六

李氏儒童張王弼妻二十七歲夫亡孝事舅姑撫嗣子明禮至於成立氏今年六十六歲

宋氏監生李家興母年二十歲夫亡無子苦志守節事兩世之翁姑曲盡孝道大功之姪生甫彌月撫養爲嗣卽家興也稍長延師訓教至於成立今入國學翁姑繼沒殯葬盡禮里黨皆稱孝婦現年六十有六許氏王爾佩妻孀居時二子俱幼家極貧翁姑衰老氏日夜操作上事下撫茶苦備嘗而甘之如飴現年六十六歲子已成立家亦稍豐里黨以賢能稱之

王氏衛復康妻年十八歲夫亡一子未週姑年逾六

十雙目失明氏上事老姑下撫穉子邑紳衛大同空

十雙目失明氏上事老姑下撫穉子邑紳衛大司空
贈以匾額曰賢婉共姜里人公送匾額曰鍾郝遺風
並製衣爲壽大書節孝無雙四字現年六十有五
王氏河頭村王克家妻堅志守節

牛氏東畱村李永文妻二十七歲孀居無子孝事舅
姑擇繼承先視同已出以養以教俾至成人族黨咸
稱其賢今已六十餘歲

李氏馬頭村原森妻二十四歲夫亡有子尚幼翁姑
俱老家極貧氏紡織以奉養今年逾六旬子已成立
陳氏邵原里廬生富妻二十八歲夫亡遺子春行坊

四歲翁姑衰老夫兄又已先逝氏曲盡孝養二十餘年沒後竭力營葬撫子成立現年六十餘歲邑令蕭詳請旌表乾隆二十三年奉

旨給與清標彤管匾額

張氏馬頭村鄧廷文妻十九于歸未及期歲夫凶上有翁姑下無嗣續氏堅貞自守勤苦不辭且勸翁妾妾生子而以族姪名宗爲夫後視如己出翁姑繼沒盡禮盡哀小叔長成爲之授室里黨稱頌氏今年逾六十

閔氏郭生武妻年二十五孀居翁姑年逾五旬遺孤

甫四歲氏晝夜辛勤孝慈兼盡現年六旬有三子立
又入成均邑令蕭給匾曰孝慈貞節

王氏周令德妻年二十六夫故遺孤丙文僅六齡氏
上依繼姑下托異弟能小心婉順得其歡心教養幼
子至於成立氏今年六十餘歲

趙氏御駕莊儒童段英鐸妻十九歲夫亡矢志堅貞
事翁姑孝而敬撫嗣子慈而嚴守節已逾三十年現
今六十二歲

張氏大河里謝奇顯妻早歲孀居事姑盡孝教子自
蘭亦克成家守節已四十年現年六十一歲

張氏崔家莊高文宗之繼室夫亡二十一歲文宗前
妻史氏遺子尚幼氏撫之如已出居貧自力於衣食
且以禮葬其翁姑守節三十七年現今六十一歲
楊氏崇慶圖王文王妻二十六歲夫亡上有舅姑下
無子息氏紡織以奉養及舅姑先後去世竭力殯葬
現今五十九歲其苦節純孝里黨皆敬而哀之

楊氏李介生妻年二十八夫亡遺子未滿一歲翁姑
年老辛勤紡織以奉之沒皆如禮殯葬撫孤成立以
承宗祧現年五十有七

閔氏周維懷妻二十二歲夫故翁姑年老子在襁褓

氏孝慈兼盡今年五十有九

氏孝慈兼盡今年五十有九邑令蕭給匾曰節勁風清

李氏衛道範妻十九歲夫故撫孤甚嚴現今應試繼姑卧病二十餘年奉侍湯藥終始無間姑沒獨力殯葬克盡婦道今五十五歲

黃氏適儒士侯方周生子天保甫七歲夫故氏年未滿三十家貧如洗矢死靡他適歸唁父母勸氏改節氏大恚遽歸嗣後竟絕音問今其子已成立

許氏蒲掌村梁封侯妻十九歲夫亡有遺腹子氏忍死撫孤備嘗荼苦其事舅姑亦極孝謹守節三十三

清江縣志 卷之十一
年今已五十餘歲

翟氏鄭文顯妻年二十一夫亡翁姑年老氏竭力供養甘旨弗缺翁姑皆以壽終氏經營殯葬盡哀盡禮遺孤起魁恩勤鞠育延師訓誨以方正名乾隆二十一年邑令蕭詳請旌表二十四年奉

旨建坊

張氏南榮村陳桂亭妻二十五歲夫亡遺二子德炳德瑛誓以死殉翁姑再三勸止之家本貧寒竭力蠶織以供孝養翁姑老病氏暑不揮扇寒不就爐時侍湯藥扶持如是者三年沒後竭力營葬無不盡禮德

炳二十四歲物故有子二媳張氏偕姑守節三十年
氏年八十一而終邑令蕭給匾曰姜孟遺芳

賈氏南榮村陳德珮妻二十四歲夫亡止生一女慟
不欲生時夫兄德慶早卒兩弟俱幼翁姑年已六旬
以悲啼成病氏乃忍死侍奉湯藥躬操井臼且百方
解勸以安二老之心繼姪堯書爲嗣又五年翁始沒
三年姑繼亡氏皆竭力營墓現年六十有七家漸饒
裕邑令旌其門

田氏水運里儒童李陳富妻二十五歲夫故遺子一
週家極貧忍死事奉翁姑未數月二老相繼卽世氏

海濱縣志 卷之二
盡禮盡哀里黨稱之現年六十有八邑令蕭旌其門
曰懷清再築

劉氏監生宗冠王妻年二十八歲夫故子女無出時
祖翁祖姑俱壽過八旬氏竭力孝養取姪步雲爲嗣
現年已逾六十邑令蕭給匾曰孝行貞心

趙氏留養村民任大惠妻年十九夫亡遺一子一女
苦志守節孝事翁姑今已五十八歲

以上節婦

李氏畱養民李廷魁妻性沉靜寡言笑年十八于歸
敬事翁姑井炊績紉悉代姑勞夫故遺一女氏號泣

不欲生翁姑勸曰爾死女何依爾夫現有弟兄後日生子可爲爾夫繼氏意稍解朝夕依姑勤事未嘗一至隣舍逾年女亦殤氏悲傷氣絕復甦其母憐之接至家微以改適探其意氏變色趨歸自此絕不往母家嗣有親眷與翁姑間言氏年幼無子應令改適氏聞之次日忽請翁姑舊衣盡爲浣濯付姑是夜將已身衣帶縫合次早仍汲水淨鍋灶畢投井中死

衛氏郭莊趙君謀妻投繯殉節乾隆九年邑令陳詳請旌表

張氏邵原里秦經國妻夫故氏年三十一子尚幼翁

念氏年少家又窮窘不欲氏守氏泣對曰翁姑高年無依氏願經營奉養翁姑難之氏誓死以自明旋有人議娶者氏知不能守赴夫墳痛哭自縊

樊氏宋家莊黃秉印妻二十六歲夫亡無子氏哭泣悲傷三七之期潛跪竈前自刎而死尸僵不仆聞者哀之

傅氏張有奎妻因姜定虔誘姦不從自縊身死邑令許詳請旌表乾隆二十年奉

旨建坊入祠

趙氏白澗村燕天奇妻其夫早亡子尚幼家極貧氏

矢志守貞而姑迫令改嫁氏不從自縊死邑令許申
報各憲給匾旌之

以上烈婦

趙氏亮正妻以孝著姑病盡醫藥罔效氏每夜泣禱
致損一目姑於寤寐中彷彿見氏進湯藥飲之遂愈
邑侯尤給匾旌獎曰孝可格天

李氏北榮村王光典妻夫沒孝事翁姑撫孤姪登輅
如親生教子讀書孫萬庚早入泮邑令給匾曰孝孚
鄉黨

葛氏崇慶里張紹謙妻善事翁姑以孝聞姑病癱二

十餘年氏奉養不怠後姑手足不能動移氏捧飯喂
養凡八年鄉里親族公舉賢孝邑侯匾曰純孝可風
邵氏北孫村王敬妻割股以愈姑病閭里稱之乾
隆十年邑令陳旌其門享年九十

吳氏庠生李國維妻孝廉應舉之孫女翁姑先後病
癱氏奉事二十餘年始終無倦前妻遺一女氏無出
勸夫連娶三妾生一男一女撫養皆如已出邑令表
其閭

李氏城西街侯封位妻有孝行乾隆五年里黨具呈
公舉邑侯董旌其門

王氏謝自禮妻夫婦目俱失明而性皆至孝禮晝算卦氏夜紡績以供養雙親翁卧病在牀無力醫治氏發愿隆冬身著單衣如是者三年神明感應翁病果愈邑令陳給匾曰雙孝可風

辛氏二程里楊天保妻于歸二載姑患癰病卧牀氏朝夕奉侍夜不解衣者一年姑沒遺幼女四歲幼男一歲氏撫養成人爲之婚配祖姑七十餘歲齒牙盡脫艱於飲食氏含子而日跪以乳之十一年無僂翁繼娶氏事繼姑亦能孝謹夫故撫教二子志朝志國皆能成立而好善不憚伯翁夫婦及堂伯翁姑俱養

之終身年七十餘而卒邑令蕭旌其門曰貞操純孝
郝氏李八村呂揚成妻夫故遺子未週誓不他適翁
姑老病躬侍湯藥衣不解帶者十有餘年家極貧苦
惟紡織以供養膳其子稍長傭工度日翁姑沒猶能
盡禮殯葬今已六旬有餘邑令蕭旌其門曰節孝雙
全

以上孝婦

孔氏清下里杜隆棟妻子歸九日隆棟以墜馬壞腰
腎絕人道至於癱瘓氏殷勤扶持歷五十餘年鄉里
至今樂道共賢云

趙氏庠生梁德衛之恩母年十九歸梁玉璣庠生金星之胞弟也金星妻張氏病革時子德衛甫二齡託氏撫養恩勤視如己出長爲授室授產其待諸姪亦極厚年逾古稀而卒衛大司空贈以匾額曰賢媿陶孟

熊氏蔣得仁妻貢生允奎之母得仁舌耕以養親氏問安視膳事姑盡孝得仁客亾氏以婦而兼子職孝養更隆其教子女甚嚴奎兄弟俱列邑庠女適河內范鏗幼年守貞已奉旌表皆母教所致巡撫雅公給匾曰代終竭志

鄭氏張顯揚妻于歸七載夫以家貧出外貿易翁衰
老兄嫂憐其子幼欲獨養氏仍竭力輪供翁姑沒氏
殯墓比辨夫出外時子女俱幼氏晝夜紡織以謀口
食訓子教女竭盡辛勤歷三十餘載子女亦已成立
撫無母之姪如所生夫久不歸其伯兄訪尋無踪後
風聞在洛氏中乃以弟鄭昇儒同子鳳翔覓不遇而
歸氏感悼幾絕邑令蕭給匾曰清淑可風

郝氏翟秉正妻翟家素寒薄氏日以紡績助夫孝養
祖母姑暨翁姑久而不倦以已無所出勸夫娶妾生
子愛如已出鄉里重其壺德有公送匾額曰古賢母

風

以上賢母

貞女苗氏幼失怙恃依諸父生長年十七許字前南海
令王錫慶孫思聰未婚而聰物故其伯叔商爲另字
氏慟悼非常請往一弔至則欲以身殉家人防衛至
三乃泣告於祖姑氏汝家人也寧死此不歸矣翁及
伯叔多方勸諭皆不可奪聰前妻遺有一子一女氏
撫如已生且孝事祖姑及翁數年無異志會病疽不
肯延醫曰吾得從夫於地下矣遂卒時年甫十九邑
之紳士公舉奇節邑令蕭旌以匾額曰歸真反璞

烈女牛三姐橋頭村牛祥麟之妹年二十許字趙姓未
婚偶詣隣家拈花爲賈隨成出言調戲嚴拒不從羞
忿自縊邑令蕭按實詳請 旌表乾隆二十三年奉
旨建坊入祠

論曰從一而終者婦人之義也春秋書伯姬國風載
共姜蓋以是爲人道之大閑也

國家道化休隆閨門女子多秉禮懷貞或以孝稱或以
節著抑且遭疾風而益勁生幽谷而彌芳噫何其美
也夫守節難守節而貧貧而親老嬰弱無族黨之可
依者爲尤難至於守正不污捐軀明志貞烈更爲可

嘉雖輜軒採風亦有不能盡得者今據搜聞所及無
論已旌未旌悉輯敘之所以表閭德之幽光卽以彰
聖朝之雅化

續入節婦

李氏澗北村王溫妻年十九夫亡子女無出立志守
節續翁姑相繼沒夫弟朝仕甫五歲祖姑逾七旬雙
目失明氏生養死葬皆能如禮爲叔完娶生子國祚
繼以爲嗣今已五十有五

段氏鍾玉村監生吳肇基妻夫亡子幼氏堅貞自矢
孝養翁姑撫子士适成立今入成均氏年已六十有

五邑令蕭給匾曰金石同貞

翟氏軟城里楊如琦妻二十四歲而寡現年六十有八其子善述妻李氏二十歲而寡現年四十有九姑息同心貧苦百狀上事年老之翁姑克盡婦職下撫幼弱之孤子無愧母儀

張氏鍾公里已故儒童陳尚賢妻十九歲夫亡遺孤甫數月氏上事舅姑下撫幼子倍極艱辛姑病氏奉侍湯藥五年不倦姑沒盡哀盡禮現年五十歲邑令旌之曰荼蘼能甘

李氏二程里宋懷忠妻年二十夫亡乞嗣矢志守節

上事祖姑及翁姑生養死葬盡禮爲夫擇繼今已成
人年六十餘歲守節四十一年邑令蕭給匾以秉禮
懷貞

李氏金留里李廷魁妻年二十而寡至二十有二其
母與姑欲強嫁之氏覺縫其衣帶抱石投井而殞